

**MADAGASIKARA**

**Angola, Centrafrique ary Ghana**



**LALAO BASIKETY**

**Hanakoako ny any Toamasina hanomboka anio**

Hanakoako hanomboka anio sabotsy 14 mey, ka tsy hifarana raha tsy any amin'ny alahady 22 mey 2022, ny lalao basikety eto amin-tsika, izay ahitana fifaninanana goavana miisa roa be izao, ho tanterahina ao amin'ny kianja mitafon'i Soavita sy ao amin'ny kianja mitafon'ny Crjs any Toamasina avokoa dia ao ny fifaninanam-pirenena "Basket N1 A Phase préliminaire Conférence Est Hommes" sy "Basket N1 A Dames phase 1".

Ekipa 6 no hiatrika ny fifaninanana N1 A lehilahy dia ny Ascute Atsinanana, Cospn Analamanga, Cosfa Analamanga, As Fana-lamanga Alaotra Mangoro, Cospn 2 Atsinanana ary ny Abbs Sava. Ekipa miisa 12 nozaraina ho vondrona roa kosa no handray anjara amin'ny fifaninanana sokajy N1 A vehivavy, ka ao amin'ny vondrona A no ahitana ny Mb2All Analamanga, Ankaratra Vakinankaratra, Jea Vakinankaratra, Ascute Atsinanana, Assm Anala-

manga ary ny Btba Diana. Ao amin'ny sokajy B kosa no misy ny (Sbbc Boeny, Cospn 2 Atsinanana, Serasera Vakinankaratra, Tamifa Amoron'i Mania, Tgbc Betsiboka ary ny Asa Analamanga). Mazava ho azy fa ny ligim-paritry ny basikety any Atsinanana eo ambany fiahian'ny FMBB, miaraka amin'ny M-Vola no tompo-marika amin'ny fikarakarana an'ireo fifaninanana ireo. Fandaharan-dalao hatrehana anio sabotsy 14

mey 2022 ho tontosaina ao amin'ny kianja mitafon'i Soavita :  
08:30-D : Jea Vakinankaratra # Serasera Vakinankaratra,  
11:15-D : Assm Analamanga # Tgbc Betsiboka,  
14:15-D : Mb2All Analamanga # Sbbc Boeny,  
16:00 : "Ouverture Officielle"  
16:45-D : Ascute Atsinanana # Tamifa Amoron'i Mania,  
18:30-D : Ankaratra Vakinankaratra # Cospn 2 Atsinanana.

**Rainilita**

**Fanatanjahantena eto Analamanga**

**Mihetsika ny Basikety sy Handball ary ny Judo**

Hosokafana eny Ankatso anio sabotsy 14 mey 2022 ny fiadiana ny ho tompondakan'ny ligin' Analamanga eo amin'ny taranja basikety baolina, ka ankoatra ny filaharana hataon'ireo klioba ao anatin'ity ligy ity dia hisy lalaom-pirahalahiana roa sokajy U18 lahy sy vavy ho tanterahina hifanandrian'ireo izay niatrika CAMP sy ny ekipa voafantiny ny U18 Analamanga. Eny amin'ny kianja mitafon'ny Ans Ampefiloha kosa, no hanatanterahana ny fiadiana ny ho tompondakan'Analamanga eo amin'ny taranja Handball. Mbola amin'ity sabotsy 14 mey 2022 ity ihany koa ny fanombohana an'izany.

Ho tontosaina eny amin'ny kianja mitafon' Ankorondrano amin'ny sabotsy 28 sy amin'ny alahady 29 mey 2022 ho avy izao kosa, ny fifaninanana judo fiadiana ny ho tompondakan'ny ligin' Analamanga 2022. Ho an'ny sokajy "Poussins" dia Sumo Kids no hifaninanana, Ho an'ny sokajy "Benjamins" dia ny Ni, Waza Challenge, ho an'ny sokajy "minimes" sy "cadets" ary "Juniors" sy "Séniors" dia ny "Compétition Individuelle" no hatao.

**Rainilita**

**Ligy rejônalin'ny basikety any SAVA**

**Any Vohemara no hanatanterahana ny ho tompondaka U18 lahy sy vavy**



Ligin'ny basketry any Sava.

Ho tanterahina any Vohemara, ao amin'ny kianja « stadium » any an-toerana, ny fifaninanana basikety fiadiana ny ho tompondaka rejônalin'ny Ligim-paritry Sava hanomboka anio sabotsy 14 mey 2022, ka hatramin'ny rahampitso alahady 15 mey 2022.

Notonsaina omaly zoma 23 mey tao amin'ny Galaxy HÔTEL, mbola any Vohemara ihany, no dinikasa « Réunion technique » namariparitana ny pitsopitsony nilaina rehetra amin'ny fanatanterahana an'ity hetsika ity. Marihana fa ireto avy ireo ekipa mandray anjara amin'ity fifaninanana ity :  
-SGPI Vohemar, -JAP MADA ANTALAHA,  
-JAP MADA VOHEMAR, -SOMAVA ANTALAHA.

**Rainilita**



Judo eto Analamanga.